

კვლევითი
ინსტიტუტი
Gnomon Wise




კავკასიის ეკონომიკის ყოველთვიური
მიმოხილვა

ნოემბერი 2025





ეკონომიკური ზრდა




2023 წელს კავკასიის ეკონომიკის ზრდა 4.4% იყო. 2023 წელს ზრდის ტემპის შენელება, რუსეთიდან ადამიანური და ფინანსური კაპიტალის ნაკადების შემცირებასა და ნავთობის შეღარებით დაბალ ფასებს უკავშირდებოდა. 2024 წელს ზრდა 6.6%-მდე აჩქარდა, რაც დიდწილად მონეტარული შემსუბუქების შედეგია. 2025 წლიდან ზრდის ტემპი ისევ შენელდა. იანვარ-სექტემბერში კავკასიის ეკონომიკა 4.5%-ით გაიზარდა.

✚ 2024 წელს საქართველოს ეკონომიკა 9.5%-ით გაიზარდა. მიმდინარე წლის იანვარ-სექტემბერში ეკონომიკა 7.7%-ით გაფართოვდა. ზრდაში მნიშვნელოვანი წვლილი დამამუშავებელი მრეწველობის, ტელეკომუნიკაციების, ტრანსპორტის, პროფესიული საქმიანობების და საფინანსო სექტორებმა შეიტანა. კლება დაფიქსირდა ენერგეტიკის და მშენებლობის დარგებში.

🇦🇲 2024 წელს სომხეთის ეკონომიკა 8%-ით გაიზარდა. მიმდინარე წლის იანვარ-სექტემბერში ეკონომიკა 7.6%-ით გაფართოვდა. სომხეთის ეკონომიკურ ზრდაში განსაკუთრებულ როლს სავაჭრო სექტორი თამაშობს, რომელმაც ამ პერიოდში 3.5%-ით მოიმატა, სამშენებლო დარგმა კი - 20.7% -ით. მომსახურებაში გამოშვება კი 9.9%-ით გაფართოვდა.

🇦🇷 2024 წელს აზერბაიჯანის ეკონომიკა 4.1%-ით გაფართოვდა. მიმდინარე წლის იანვარ-სექტემბერში ეკონომიკა 1.3%-ით გაიზარდა. აზერბაიჯანის ეკონომიკის 29.9%-ს ნავთობისა და გაზის ინდუსტრია იკავებს. ამ ინდუსტრიის გარეშე, ზრდის ტემპმა 2.9% შეადგინა. სოფლის მეურნეობა კი მხოლოდ 0.1%-ით გაფართოვდა.

ინფლაცია და მონეტარული პოლიტიკა



ინფლაციის მაჩვენებელი კავკასიის რეგიონში, ძირითადად, ეკონომიკური ზრდის ტენდენციებს იმეორებს. საუკეთესო მდგომარეობა სომხეთშია, ხოლო ფასების დონის ზრდის შედარებით მაღალი მაჩვენებელი აზერბაიჯანში დაფიქსირდა.

✚ 2024 წელს საქართველოში ინფლაციის ტემპი, წინა წელთან შედარებით, შემცირდა. 2025 წლის ოქტომბერში სამომხმარებლო ფასების წლიურმა ზრდამ 5.2% შეადგინა. ოქტომბრის ინფლაციაში მაღალი წვლილი სურსათის და უაღკოპოლო სასმელების ფასებმა შეიტანა, რომელიც 11.7% -ით გაიზარდა. თუმცა, რიგ სექტორებში ფასების კლება დაფიქსირდა, მათ შორის, კავშირგაბმულობის ფასები ყველაზე მეტით, 4.2%-ით შემცირდა. ამ ფონზე, ცენტრალურმა ბანკმა, ბოლო გადაწყვეტილებით, რეფინანსირების განაკვეთი 8%-ზე შეინარჩუნა.

🇦🇲 წარსულში, რეგიონში ფასების დინამიკით სომხეთი გამოირჩეოდა. 2025 წლის ოქტომბერში სამომხმარებლო ფასების წლიური ზრდა 3.7% იყო. ყველაზე მაღალი, 8.3%-იანი ზრდა განათლების სექტორში დაფიქსირდა, ხოლო ტანსაცმლისა და ფეხსაცმლის ფასები 0.9%-ით შემცირდა. სომხეთის ცენტრალურმა ბანკმა მონეტარული პოლიტიკის შემსუბუქება 2023 წელს დაიწყო. ბოლო გადაწყვეტილებით, რეფინანსირების განაკვეთი 6.75%-ზე შენარჩუნდა.

🇦🇷 აზერბაიჯანში ინფლაცია აჩქარდა. 2025 წლის ოქტომბერში სამომხმარებლო ფასების წლიურმა ზრდამ 5.9% შეადგინა. სექტემბერში ეს ნიშნული 5.7% იყო. აზერბაიჯანი რეგიონში შედარებით მაღალი ინფლაციით წინა პერიოდებში გამოირჩეოდა. მიუხედავად ამისა, აზერბაიჯანის ცენტრალური ბანკი პოლიტიკის გამკაცრებისგან თავს იკავებდა. ოქტომბერში მიღებული გადაწყვეტილებით, პოლიტიკის განაკვეთი 7%-ზე შენარჩუნდა.